

La Quotidiana
7000 Cuera
081/ 544 89 10
<https://www.suedostschweiz.ch/laquoti...>

Medienart: Print
Medientyp: Tages- und Wochenpresse
Auflage: 3'439
Erscheinungsweise: 5x wöchentlich



Seite: 7
Fläche: 29'479 mm²



Auftrag: 3009371
Themen-Nr.: 140.008
Referenz: 85331855
Ausschnitt Seite: 1/1

GLION

Indians vesan il progress cun auters egl

Ljamna proxima ei ina grupper d'Indians dalla Columbia sin viseta en Surselva. Sin invit dall'unioon tudestga «Lebendige Zukunft» refereschan treis representants dil pievel dils Kogi da lur moda da viver sempla ed en concordanza culla natira.

AUGUSTIN BEELI/FMR


Jose Shibilata, Bernardo Simongama e Saga Narcisa Pinto-Zarabata, dus umens ed ina dunna ein representants dils Kogi. La quarta persuna ch'ei presenta mesjamna proxima a Glion ei Arregocés Coronado. El vegn a translatar ils discours. Jose, Bernardo e Saga discuoran mo caballà. Dil lungatg indigen dils Indians vegn il translatur a transponer en spagnol, da quel en tudestg. La comunicaziun duront il viadi ell'Europa ei buca schi sperita, il messadi ei denton gl'essenzial.

Fenomens dalla societad

Pirmina Caminada segida d'organisar la sentupada culs Kogis ell'aula dalla claustra dallas soras dominicanas. «Els ein fetg fermis ella communicaziun», sa ella. Quei pievel indigen defenda dapi mellis onns ils dretgs dalla tiara, el batte pils uaus e las cuntradas muntnagradas. Da-pertut nua ch'els s'encorschan malgiustia sefan els valer. Il renum da quei pievel cu-raschus ei schi gronds ch'ins ha fundau

per els in'unioon. «Els enconuschan disturbis egl equiliber dalla natira, san giudicar malessers dil sistem ecologic ed era dar cussegls effectivs en connex cun fenomen negativs dalla societad», scriva Lucas Buchholz, il fundatur e menader dall'unioon «Lebendige Zukunft».

Il messadi dil pievel indigen sidamerican fa surstar. Malgrad ch'els ein buca scolai e ch'els vivan solitariamein els cuolms el nord dalla Columbia, han els ina imensa savida. Senza haver visitau scolas ed universitads. Avon siat onns ein els viagiai ell'Europa sin invit dall'unioon. Els seigien buca sgulai bugen sur gl'Atlantic cugl aviun, igl ei denton buca iu aut'r uisa. «Nus ell'Europa manegiein d'esser scolai dil meglier. Ils Kogi muossan che nies progress, nossa scolaziun, e nossas stentas per material, daners e professiun, ei buca il svilup ch'il carstgaun enquera propri», expliquescha la conorganisatura dalla sentupada culs Kogi a Glion. Cun rodund 30'000 commembers ei quei pievel indian cum-paregliabels cul romontsch e sia situaziun.



Jose Shibilata, in dils treis Indians sidamericans che vegnan a Glion.

FOTO MAD

Era gliez pievel ei mess a cantun, confruntaus cul sedepurtar dils gronds.

En harmonia cullas valurs

In connex direct culla Romontschia ha la viseta dils Kogi buc. Quella ei sedada tras contacts personals dils organisaturs. «Igl ei ina unica schanza d'emprender d'enconuscher lur messadi», declara Pirmina Caminada. Denter auter vulan ins presentar lur filosofia dalla veta. Las damondas centralas ein daco che nus essan cheu sin tiara e tgei rolla che nus carstgauns havein sin quella. Jose, Bernardo e Saga vegnan buca a mussar co ins sa gudignar dapli, mirar dalla rendita, rimnar e dismetter material. Duront lur referat a Glion vulan els render attent al cuort temps ch'ins viva sin tiara: Viver cuntsents, en harmonia cullas valurs e cul contuorn.

La sentupada culs treis Indians columbians dils Kogi ei mesjamna, ils 31 d'uost 2022, a Glion. Alias 18.30 entscheiva la sera cun in puschegn facultativ. Alias 19.30 ei lu il referat cun pus-seivladad da far damondas ed entrar en dis-cuors culla gruppera.